

## მომხმარებლის სახელმძღვანელო

### Daisy compact S

- შეცდომით ამობეჭდილი, ან დაბრუნებული თანხის ქვითრის გაუქმება

როდესაც სალარო აპარატზე ქვითარი არასწორად ამოიბეჭდა, ან მომხმარებელს თანხა დაუბრუნდა და ქვითრის გაუქმება საჭირო, rs.ge-ის პორტალზე ივსება სპეციალური განაცხადი, რომელსაც თან ერთვის გასაუქმებელი ქვითარი, ან ქვითრის ასლი. განაცხადზე ხელს აწერს მოლარე-ოპერატორი და მასზე პასუხისმგებელი პირი (მენეჯერი).

- დროის და თარიღის გასწორება

დროის ან/და თარიღის გასწორების ოპერაციამდე საჭიროა Z ანგარიშის ამოღება. რამდენჯერმე დააჭირეთ ღილაკს „M“, სანამ ეკრანზე არ დაეწერება „პროგრამირება“, შემდეგ აკრიფეთ პაროლი 9999 და დაადასტურეთ ღილაკით „CLK“. ეკრანზე გამოჩნდება წარწერა [PROG+]. დააჭირეთ ჯერ „ALT“ და შემდეგ „QTY“ ღილაკებს ერთდროულად, ეკრანზე გამოისახება თარიღი და საათი. შეიყვანეთ თარიღი მაგ. 01012021 (მსგავსი ფორმატით, წერტილების გარეშე) და დრო მაგ.0946 (მსგავსი ფორმატით, წერტილების გარეშე) და დაადასტურეთ ღილაკით „TL“. გამოსასვლელად დააჭირეთ ღილაკს „TL“

- სალარო აპარატის ჩართვა

სალარო აპარატის ჩასართავად, კლავიატურის მარცხენა ზედა კუთხეში რამდენიმე წამის განმავლობაში დააჭირეთ ჩართვის ღილაკს.

- სალარო აპარატის სამუშაო რეჟიმში შესვლა

სამუშაო რეჟიმში შესასვლელად რამდენჯერმე დააჭირეთ ღილაკს „M“ სანამ არ გამოჩნდება წარწერა [გაყიდვა....], შემდეგ აკრიფეთ მოლარის შესაბამისი პაროლი [1] და დააჭირეთ ღილაკს „CLK“ ეკრანზე დაეწერება [0,00].

ქვითრის ამოსაბეჭდად აკრიფეთ სასურველი თანხის ოდენობა და დააჭირეთ სექციის ღილაკს (მაგ. [D+]). მომხმარებლის ქვითრის ბეჭდვის დასასრულებლად დამატებით დააჭირეთ ღილაკს „TL“

მაგალითი:

7 ლარი და 25 თეთრის ქვითრის ამოსაბეჭდად აკრიფეთ:

[7][.][2][5] ----- თანხა

[D+] ----- სექციის ღილაკი

[TL] ----- ამობეჭდვა

თუ ქვითარში რამდენიმე თანხის ჩაწერა გასურთ, შეიყვანეთ თანხა, მიუთითეთ შესაბამისი სექცია [D+], შემდეგ აკრიფეთ სხვა პროდუქტის თანხა, კვლავ სექციის ღილაკი [D+] და ა.შ. საბოლოო ქვითრის ამოსაბეჭდად დააჭირეთ ღილაკს „TL“

- **არასწორად შეყვანილი თანხის კორექტირება ან/და ქვითრის ანუღირება**

არასწორად შეყვანილი თანხის წასაშლელად დააჭირეთ ღილაკს „C“

თუ თანხა არასწორად შეიყვანეთ და სექციაც მიუთითეთ, მაგრამ ქვითარი ჯერ არ დაგიბეჭდავთ, დააჭირეთ ღილაკს „VD“ და თანხა ანუღირდება. გაუქმებულ თანხაზე ქვითრის ამოსაბეჭდად აკრიფეთ ღილაკი „TL“.

- **Z ანგარიშის ამობეჭდვა**

\*ყოველი სამუშაო დღის ბოლოს სავალდებულოა ცვლის დახურვა (Z ანგარიშის ამოღება).

Z ანგარიშის ამოსაბეჭდად რამდენჯერმე დააჭირეთ ღილაკს „M“ , სანამ ეკრანზე არ დაიწერება [Z ანგარიში.....] , შემდეგ აკრიფეთ 9999, დააჭირეთ ღილაკს “CLK” და ბოლოს ღილაკს “TL”.

- **Z ანგარიშის დუბლიკატი**

დააჭირეთ ღილაკს [M], მანამ სანამ სალარო აპარატის ეკრანზე არ დაიწერება [გაყიდვა], შემდეგ აკრიფეთ [9999], შემდეგ დააჭირეთ ღილაკს [CLK], ეკრანზე დაიწერება [00,0] , აკრიფეთ [99TL] შემდეგ სასურველი Z ანგარიშის ჩეკის ნომერი, მაგალითად 000001 და დააჭირეთ ღილაკს [TL].

- **გათიშული სალარო აპარატის გააქტიურება**

სალარო აპარატის გასააქტიურებლად რამდენჯერმე დააჭირეთ ღილაკს „M“, სანამ არ გამოჩნდება წარწერა „პროგრამირება...“. შეიყვანეთ პაროლი „9999“ და დაადასტურეთ „CLK“ ღილაკით. ეკრანზე დაიწერება „PROGR“, შემდეგ აკრიფეთ 1853 და დააჭირეთ ღილაკს „VD“. დაელოდეთ, თუ აქტივაცია წარმატებით დასრულდა, ეკრანზე დაიწერება "SUCCESSFUL". ამის შემდეგ შეგიძლიათ განაგრძოთ მუშაობა.

\* თუ დაწერა "COMMUN.ERR.GRA" ან/და "SEND.GRA.SERVER" დააჭირეთ "C" ღილაკს და განმეორებით სცადეთ გადატვირთვა.

- **დეტალური ქვითრის ამობეჭდვა**

რამდენჯერმე დააჭირეთ ღილაკს „M“ სანამ არ გამოჩნდება წარწერა [x ანგარიში]. შემდეგ აკრიფეთ 9999 და დააჭირეთ [CLK]-ს, შემდეგ დააჭირეთ ჯერ „ALT“ და შემდეგ „TL“ ღილაკებს ერთდროულად. ეკრანზე დაიწერება [ელ. ჟურნალის ბეჭდვა]. დააჭირეთ ღილაკს 3 და შემდეგ [STL]. დაიწერება "საწყისი", შეიყვანეთ სასურველი თარიღი, რომელი რიცხვიდანაც გსურთ დეტალური ანგარიშის ამოღება, მაგალითად: 010518 დააჭირეთ ღილაკს [QTY] სალარო აპარატის ეკრანზე დაიწერება "საბოლოო", შემდეგ შეიყვანეთ სასურველი თარიღი, მაგალითად: 02,0518 და დააჭირეთ ღილაკს [VD].

- **ჩეკის დუბლიკატი**

დააჭირეთ ღილაკს [M] , მანამ სანამ სალარო აპარატის ეკრანზე არ დაიწერება [გაყიდვა], შემდეგ ვკრებთ [9999], შემდეგ დააჭირეთ ღილაკს [CLK], ეკრანზე დაიწერება [00,0], აკრიფეთ [99TL] შემდეგ სასურველი ჩეკის ნომერი, მაგალითად 000001, და დააჭირეთ ღილაკს [TL].

- **თანხის შეზღუდვა**

პროცესის დაწყებამდე აუცილებელია ამოიბეჭდოს Z ანგარიში, შემდეგ დააჭირეთ [M] ღილაკს რამდენჯერმე, სანამ ეკრანზე არ დაიწერება [პროგრამირება] აკრიფეთ 9999 და დააჭირეთ [CLK]-ს, ამის შემდეგ დააჭირეთ ღილაკს [D+], და დააჭირეთ ღილაკს [STL] სანამ არ დაიწერება {MAX DIGITS:},

ციფრი – 3-ის მითითების შემთხვევაში შეიზღუდება 9 ლარამდე;

ციფრი – 4-ის მითითების შემთხვევაში შეიზღუდება 99 ლარამდე;

ციფრი – 5-ის მითითების შემთხვევაში შეიზღუდება 999 ლარამდე;

ციფრი – 6-ის მითითების შემთხვევაში შეიზღუდება 9999 ლარამდე.

დასადასტურებლად დააჭირეთ ღილაკს [STL].

- **შენიშვნა**

იმ შემთხვევაში თუ სალარო აპარატის ეკრანზე დაეწერა:

„ქაღალდი გათავდა“ - ნიშნავს, რომ სალარო აპარატში თერმული ქაღალდი დამთავრდა, ან ქაღალდის ხუფი აფარია არასწორად

„შესრულდა 24 საათი“ - ამოიბეჭდეთ Z ანგარიში

“არასწორი ღილაკი” - დააჭირეთ „C“ და შემდეგ „TL“ ღილაკს